

# INUIT ATAQATIGIIT INATSISARTUNI



02-03-2023

Inatsisartut Suleriaasianni § 37 naapertorlugu Naalakkersuisunut apeqquq  
imaattoq matumuuna saqqummiuppara.

## **Naalakkersuisunut apeqquteqaat:**

- 1. Ukioq kingulleq 2022 naatsiaat qanoq amerlatigisut Neqi A/S-mit pisiarinqarpat?**
  - A) taakkunanga maannamut qanoq oqimaatigisut sinneruppat?**
  - B) Neqi A/S-ip kiilumut qanoq akilerlugit naatsisartunit pisiaraat?**
  - C) Niuerfiit sorliit naatsianik nioqquteqarfigineqartussanngorlugit isumaqatigiissuseqarfigineqarsimappat?**
- 2. Neqi A/S-ip naatsiaanik pisiortulernermini maannamut qanoq oqimaatigisunik naatsiaanik pisiortorsimava?**
  - A) Naatsiaat maannamut qanoq oqimaatigisut akigineqarsimappat?**
  - B) Qanoq oqimaatigisut igiinnarneqarsimappat?**
  - C) Aningaasanngorlugu qanoq Neqi A/S naatsiaanik pisinermini aningaasartuuteqarsimava?**
  - D) Aningaasanngorlugit qanoq Neqi A/S naatsiaanik akigisaqarnermi isertitaqarsimava?**
- 3. Neqi A/S-ip siunissami naatsiaanik pisiarisimasaminik eqqaaginnarunnaarniarluni qanoq pilersaaruteqarpa?**
  - A) Nutaaliorluni tunisassiornermik ingerlatsinermik aallartitsiniarpa?**
- 4. Naalakkersuisut pilersaaruteqarpat nunatsinni tunisassiarineqartut pitsaanerusumik ingerlaavartumik pisisartunut akilersinnaasumik tuniniarneqartarnissaanik anguniagaqartumik?**
  - A) Taamaasimappat suut pilersaarutigaat?**
- 5. Imminut pilersornermik Naalakkersuisoqarfiup nerisassaqaqtitsiniarnikkut pilersornerulernissamik pilersaarusiortluni ingerlatsiva?**
- 6. Nunalerinermik siunnersorteqarnermi siunnersortit qanoq sinerissami atorluarneqarnerunissaannik Namminersorlutillu oqartussat akornanni suleqatigiinnermik ingerlatsisoqarpa?**

(Inatsisartunut Ilaasortaq Mariane Paviasen, Inuit Ataqatigiit)

# INUIT ATAQATIGIIT INATSISARTUNI



## **Tunggavilersuut:**

Naatsiat ikigisassaangitsut nunatsinni naatsinneqartarput ajoraluartumillu aamma naatsiat ikigisassaangitsut igiinnarneqartarput, Neqi A/S-ip naatsianik ukiuni kingullerni igitsisarnera tusarsaasarpoq, inuiaqatigiillu sinerissami naatsiaanik pisiniarfinni pisiassaaruttarnerat tusarsaasarpoq allaat Narsami. Illua tungaani Naatsiat nunani allaneersut niuertarfinni nunatta naatsiaaniit akikinnerusunngorlugit nioqqutigineqartartut aamma takusarpagut, tamannalu naappertuutinngilaq nunatsinnimi imminut pilersornerulerniarluta naalakkersuisoqarfimmik pilersitsisoqarnikuuvoq maannalu piffissanngorluinnarpoq naalakkersuisoqarfiup ullutsinnut malunnaatilimmik

suliaqarsimanermik takutitsinissaa naatsiaanarnulluunniit tunggagalarpat.

Takorloorneqarsinnaagalarpoq nunatsinni naatsiaat naatinneqartartut nunani allani naatsitaniit akikinnerulersillugit pisisartunut akigineqartalernissaat, oqartussanilli piumassuseq apeqqutaaginnarunarpoq. Naatsianik eqqaaginnarneq unittariaqarpoq, assigaammi aningaasanik eqqaaneq.